

زفة العريس | الشيخ محمد خيرى سلسلة من غيب لشهادة

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له واشهد ان محمدا عبده ورسوله. وبعد - 00:00:00

فاسأل الله سبحانه وتعالى ان يسد لنا وياكم لما فيه خير. ويتقبل منا ومنكم صالح الاعمال ويجعل هذه المجالس حجة لنا لا علينا. واسأله سبحانه وتعالى ان يمن علينا وعليكم ببركة الانتفاع - 00:00:14

وحسن الفهم عنه اه كان ابن الجوزي اه رحمة الله عليه يقول الطائر اذا علم ان الانثى قد حملت يعني انس الطائر قد حملت. اخذ ينقل العيدان لبناء العش قبل الوضع. يعني يبدأ يرتب اموره عشان خلاص هيرزق بمولود - 00:00:31

افتراك ما علمت قرب رحيلك الى القبر فها بعثت لك فراش التقوى فلانفسهم يمهدون سبحان الله! هذا المعنى ضروري للانسان ينتبه له. ويدرك تماما انه مرتحل والانسان سبحان الله اذا ارتحل اذا علم انه مرتحل لابد تلقائي - 00:00:59

سيبدأ فعلا بالاعداد للرحيل والاستعداد له. خاصة سبحان الله احنا في الزمن اللي احنا فيه دلوقتي واسأل الله سبحانه وتعالى ان يشفي جميع مرضى المسلمين في اجواء المرض المنتشر هتلاقي الان كل شوية نسمع عن - 00:01:30

اه في عشرين حالة توفاه الله. فيه مش عارف كم حالة توفاه الله. بقت الحالات ديت والحاجات دي بنسمعها اه بعيدة عننا. بعيدة عننا اه نسأل الله سبحانه وتعالى ان يشفي اه جميع مرضى المسلمين - 00:01:51

وان ينور قبور الاموات منه. لكن الحاجات دي كلها آآ نزيروا. وآآ قد جاءنا فلا بد ان نحسن من استقباله استقبال حسن. هذه اشارات وان القبر مش مخيف. طالما انت مستعد القبر ليس مخيف لمن استعد. ولذلك - 00:02:05

الشر ابن الحارس كان بيقول كلمة جميلة جدا يقول نعم المنزل القبر. يا سلام نعمل منزل القبر؟ اه لمن؟ لمن اطاع الله فهو نعم المنزل القبر لمن اطاع الله انت مطيع خلاص ابشر - 00:02:28

اه بما بشرك به النبي صلى الله عليه وسلم كما سيأتي معنا في الحديث. ولذلك كان بعض السلف يقول نزلت الى الخلق نزلت الى نظرت الى الخلق فاذا كل شخص له محبوب. كل واحد له محبوب. فاذا وصل الى القبر فارق - 00:02:46

محبوبه كل واحد خلاص بيبجي في وقت الجد يسبب ايه؟ صاحبه فجعلت محبوبي حسناتي لتكون معي في قبري. بيقول لا بقى انا قلت ايه الموضوع مش مستاهل فانا لازم ايه؟ اركز وخليت محبوبي - 00:03:06

هو حسناتي فنعم المنزل القبر لمن اطاع الله وسبحان الله ما اروع نعيم المؤمن من ساعة موته الى يوم بعثه ايبشره حشد عظيم من الملائكة. ممن حضر نزع روحه يتقال له سلام عليكم سلام من عند الله وسلام من الملائكة. وتناديه الملائكة باحب الاسماء اليه. الله اكبر - 00:03:25

ثم يبشرونه بالجنة وسبحان الله بيعرف نتيجة الاختبار بدري بيعرف نتيجة ان الاختبار نتيجة اختباره بدري ولذلك محمد ابن كعب يقول لا يموت احد من الناس حتى يعلم امن اهل الجنة هو او ام من اهل النار. الله اكبر. نسأل الله السلامة - 00:03:54

وده مصداق حديث النبي صلى الله عليه وسلم الذي يقول فيه ان المؤمن اذا حضره الموت بشر برضوان الله وكرامته. الله اكبر. نسأل الله سبحانه وتعالى ان يجعلنا ممن يبشر برضوان الله وكرامته - 00:04:31

عند المغادرة وعند الاقلاع فليس شيء احب اليه مما امامه. كما يقول النبي صلى الله عليه وسلم في صحيح البخاري فشوفوا سبحان الله قد ايه ان الانسان النبي صلى الله عليه وسلم بيقول ما فيش حاجة احب لي من اللي قدامه خلاص هو ما عدش بيفكر بقى في

اللي فات - 00:04:49

بقى في واحد يلاقي يلاقي قدامه الجنة ويبدأ يرجع ثاني للطين ويرجع ثاني للكدر وللهموم وهموم والقصة دي كلها لا طبعاً ده احنا في رحلة الهبوط ربنا يعني يرجعنا ثاني للصعود اهبطوا منها واديكم قراءته. وهتقرأوا ثاني في الاعراف رحلة الهبوط - 00:05:15
فاحنا في رحلة هبوط هذه الرحلة لا تليق بك ان تبقى فيها فحي على جنات عدن فانها منازلنا الاولى دي المنازل بتاعتك اصلا من البداية. لكنك سبي العدو. العدو اسرك وخذك لمنطقة ثانية - 00:05:39

فسبحان الله! فاحنا موجودين يعني في الدنيا دي ترانزيت. وهنمشي هنمشي. ما فيش حد ايه؟ قاعد النبي صلى الله عليه وسلم يخبرنا في الحديس دوت ان كل واحد منا يببشر ان شاء الله برضوان الله وكرامته ان كان من اهل الطاعة واهل واهل الطيه -

00:05:58

الصالح. ولذلك شيخ الاسلام ابن تيمية بيقول كلمة جميلة جدا يقول واعرف شخصا من اصحابنا. هو بيحكي تجربة بقی بيقول انا عارف واحد من ايه؟ من اصحابنا واعرف شخصا من اصحابنا لما حضرته الوفاة جعل يقول حبيبي ها قد جئتكَ. الله اكبر -

00:06:18

طب واحد بيغادر الدنيا بيقول ايه؟ حبيبي ها قد جئتكَ الله اكبر انت حاسس انك بتحبه حاسس انك خرجت دلوقتي في الاربع

خمس تيام دول خرجت بحب عالي لله سبحانه وتعالى - 00:06:44

هل تعرفت على الله سبحانه وتعالى اكثر هل بدأت تسأل عن الله واذا سألك عبادي عني. واذا سألك عبادي عني هذه الاية في وسط

ايات الصيام. فكأن القرآن مع الصيام يفعل القلب كأن دول المواد - 00:07:02

اللي بيكونوا في القلب عشان يبدأ القلب يبدأ يسأل عن الرب. يعني لو في مادة دخلت على الروح لو قلنا الروح دي محتاجة حاجات

لو دخلت ضخيها فيها تبدأ تطلع منتج اسمه ايه - 00:07:22

الشوق والسؤال عن الله. ايه الحاجة اللي تدخل؟ الصيام والقرآن والقيام. الثلاثة دول يبدأ الانسان يتفاعل ويبدأ يجد شعور ملح يريد

ان يسأل عن الله سبحانه وتعالى فشيخ الاسلام ابن تيمية بيحكي لنا قصة واحد زميله - 00:07:39

بيقول واعرف شخصا من اصحابنا لما حضرته الوفاة جعل يقول حبيبي ها قد جئتكَ حتى خرجت نفسه بيقول ايه؟ ومثل هذا كثير

بيقول ومثل هذا كثير. يعني انا اعرف ناس كتير كده - 00:07:59

سبحان الله ويبدأ ينزع ملك الموت روحه فتخرج روحه كاطيب ريح مسك وجد على وجه الارض الله اكبر ويكون روحه ايه؟ سلسلة

سلسلة ويبدأ يقول قدموني قدموني كما جاء في الحديس الذي نقرأه الان. النبي صلى الله عليه وسلم كما - 00:08:18

في حديس البراء يقول خرجنا مع النبي صلى الله عليه وسلم في جنازة رجل من الانصار بيقول انا خرجت اه ما خرجنا مع

النبي في جنازة رجل من الانصار فانتبهنا الى القبر - 00:08:41

ولما يلحد يعني راجل لسه ما نزلش في قبره وبعث لسه فجلس النبي صلى الله عليه وسلم وجلسنا حوله وكأن على رؤوسنا الطير.

الله اكبر الصحابة دول يا جماعة جيل - 00:08:59

اه سبحان الله لن يأتي جيل مثله قط. بعد هذا سبحان الله آآ من من علامات نبوة النبي صلى الله عليه وسلم. ومن معجزات النبي ان

الله اكرمه بهذا الجيل - 00:09:19

سبحان الله اه لم يرزق نبي مثلما رزق نبينا باصحابه اصحاب النبي صلى الله عليه وسلم سبحان لعلك لن تجد عملا لن تجد عملا بعد

الايمان ومحبة الرحمن والنبي صلى الله عليه وسلم مثلما ان تتكأ على حبك لاصحاب محمد صلى الله عليه وسلم - 00:09:40

انك تحب اصحاب النبي صلى الله عليه وسلم ان يكون في قلبك حب لهؤلاء وسبحان الله شوفوا هم قاعدين مع النبي صلى الله عليه

وسلم كأن على رؤوسنا الطير. نقعد - 00:10:14

عاص كأن الطير يعني الطير دلوقتي لو واقف على راسك وانت جيت تتحرك لازم يطير يقول وفي يده عود صلى الله عليه وسلم

ينكت في الارض فرفع رأسه فقال استعيذوا بالله من عذاب القبر. استعيذوا بالله من عذاب القبر. استعيذوا - 00:10:30

لله من عذاب القبر قال هذا مرتين او ثلاثة ثم قال ان العبد المؤمن نسأل الله سبحانه وتعالى ان يرزقنا اذا كان في انقطاع من الدنيا خلاص الدنيا قطعت. عارفين او واحد يقول لك ايه؟ النور قطع - [00:10:57](#)

عملك انقطع خلاص انقطع ما عدش فيه صحيفة هتكتب فيها صحيفة هتزيد فيها حاجة خلاص كله وقف اذا كان العبد المؤمن في انقطاع من الدنيا احنا مقبلين على الموضوع دوت ولا هنتأخر احنا شوية - [00:11:15](#)

انتم حاسين ان احنا مقبلين ولا احنا متأخرين وآ والموضوع ده مش هنعدي عليه المحطة ديت هل تشعروا ان المحطة دي مش بتاعتنا يا جماعة الخير نسأل الله ان يسترنا - [00:11:38](#)

اسوأ ما في هذه المحطة واكبر تحدي في هذه المحطة اننا عندنا اليقين فيها ولكن حالناح يتعامل مع هذا اليقين بالشك يعني تشوفنا كده تقولي لي لا والله هؤلاء وافعالهم لا تنم على انهم يثقون ان هناك ايه - [00:11:54](#)

آآ قبر دول مستحيل يكون عندهم المعنى ده نسأل الله السلامة ان العبد المؤمن اذا كان في انقطاع من الدنيا واقبال من الآخرة نزل اليه ملائكة من السماء. بيض الوجوه. يا سلام! اهل الارض قاعدين يركزوا مع الجسم - [00:12:23](#)

ويحضروا الجسد. ويلا عشان نفسله. واهل السماء بيحضروا الروح كل واحد كل واحد شغال في اعداده اهل الارض بيعدوا الجسد واهل السماء يعدون الروح نزل اليه ملائكة من السماء بيض الوجوه كأن وجوههم الشمس الله اكبر كأن وجوههم شمس - [00:12:50](#)

معهم كف من اكفان الجنة وحانوت من حنوت الجنة. بالله عليك وبالله عليك لو مريت على اللحزة ديت وبعدين ردت اليك روحك قلنا لك تقعد مع دول تاني هتقول لأ - [00:13:18](#)

مش عاوز اقعد مع الناس دي تاني. لا خلاص ايه اللي يرجعني الهم والغم ده والكرب اللي احنا فيه ده نسأل الله السلامة حتى يجلسوا منه مد البصر حتى يجلسوا منه مد البصر - [00:13:35](#)

يا رب ثم يجيء ملك الموت عليه السلام حتى يجلس عند رأسه صدق ابن الحسين لما كان يقول والبسوني ثيابا لا كمام لها وقام من كان احب الناس في عجل نحو المغسل. يأتيني بمن يغسلني - [00:13:53](#)

ثم يجيء ملك الموت حتى يجلس عند رأسه فيقول ايتها النفس الطيبة الله اكبر يا جماعة انت المفترض اما اجي اسألك سؤال ولا واحد يبجي يسألك سؤال يقول لك ايه هدفك في الحياة - [00:14:21](#)

والله اللي انا احقق شهادات كذا واعمل كذا واخذ دورة في وعارف يعني ايه ان هدف وعارف يعني ايه ان انا احقق حاجة كبيرة فانا لا لا هدفك تقول ان انا اسمع النداء - [00:14:40](#)

كان في واحد بيقول كده تقول له ايه هدفك؟ يقول لي هدفي اسمع نداء الفجر. ايه نداء الفجر ده يا عم الحاج يقول لك يتقال لي ايتها النفس الطيبة الروح الطيبة الله اكبر - [00:14:55](#)

ايتها النفس الطيبة اخرجني الى مغفرة من الله ورضوان ياه هنا في الوقت ده بقى ايه اللي يحصل؟ والناشطات نشطة تخرج بسيطة وسلسة وعندها نشاط. ليه ما واحدة على السلاسة؟ كان نشيط في الطريق الى الله وكان نشيط في كل حاجة - [00:15:13](#)

فينشط ايضا ها هنا روح بتخرج فتخرج تسيل كما تسيل القطرة من في السقاء عارفين كده وانت بتنزل كده من الايه من الكوب او من من الاناء او من الشفشق كده بنحاول من الابريق تنزل ايه؟ العصير - [00:15:38](#)

اها النقطة وهي نازلة كده. السلاسة دي شف البساطة دي سهلة اهي. سبحان الله فيأخذها فاذا اخذها لم يدعوها في يده طرفة عين. حتى يأخذوها. يعني ملك الموت معه وفد - [00:15:58](#)

الوفد ده اول ما هو ياخذ روحك على طول ما بيسبواهاش في ايده طرفة عين ليه يقول لك هذا من الادب قيل من الادب مع ملك الموت بان دول هو ده القائد بتاعهم فادبا معهم زي الشيخ كده يعني - [00:16:18](#)

في ان هو لا هو يبقى احنا اللي نشيل مش هو طيب الحاجة الثانية يقول لك شوقا للمؤمن يشتاق للمؤمن وده حصل مع مؤمنين؟ اه ده سعد بن معاذ اسلم النهاردة. ان شاء الله في الدروس العصر نتعرض له. اسلم النهاردة - [00:16:42](#)

مات بعد ست سنوات مدة اسلامه كان ست سنوات. اهتزل له عرش الرحمن. يقول النبي طربا لموت سعد يعني لما سعد مات عرش

الرحمن اهتز له طربا خلاص بقى يعني ايه الملائكة مبسوبة - 00:17:03

ان ساعة خلاص جاي السماء ياه هو سعد ده عمل ايه يا جماعة؟ ست سنين يا جماعة مرحلة ابتدائية دي ست سنوات كانت كافية ان عرش الرحمن يهتز العبد اي عبد هذا - 00:17:21

عمل ايه العبد ده مازا قدم لدين الله سبحانه الله الملائكة ان شاء الله في اجود ما يكون هنتعرض للملائكة ونتكلم عنهم عشان نجبهم لان ده يا جماعة من اركان الايمان - 00:17:38

من اركان الايمان انك تحب الملائكة وتتعرف عليهم انت بينك وبينهم علاقة طيبة جدا. يعني مجلس زي اللي احنا فيه ده. والوقت اللي احنا فيه ده هم يشهدوا هذا الوقت - 00:17:56

سبحان الله! يتعاقب فيكم ملائكة بالليل والنهار فيه نبطشيات ناسي الصبح وناس بالليل الملائكة الصبح وملايك بالليل. ففي فترة الصبح وفي فترة بالليل فسبحان الله! المهم يقول النبي صلى الله عليه وسلم فاذا اخذها لم يدعوها في يده طرفة عين حتى يأخذوها - 00:18:10

فيجعلوها في ذلك الكفن وفي ذلك الحانوت ويخرج منها كاطيب نفحة مسك وجدت على وجه الارض الله اكبر كان في واحد من زميلنا كده كان عاوز عطر فهو عاوز عطر معين لان ايه؟ وجد احد اخواني حطه يعني - 00:18:32

فرحت معه عشان نسأل فقال له بستميت دولار فبيبص لي كده يقول لي ايه يا عم مش عاوز فقلت سبحان الله ده داء عطر هتلاقيه كمان يعني تعبان آ لكن سبحان الله شوفوا بقى كاطيب نفحة مسك وجدت على وجه الارض. الله اكبر - 00:18:57

طب ايه اللي هيحصل ده بعد ما يحصل الكلام ده فيصعدون بها. بيدأوا ايه خلوا بالكم يا جماعة انتم لسة ما صليتوش عليه ولسه مش دفنتوه ولسه مش خدتوه ومشيتوا به في الجنازة. والقصة دي انتهت - 00:19:21

سبحان الله ولزلك الشخصية ديت وهو ماشي يقول ايه؟ هي الناس دي ماشية بالراحة ليه؟ قدموني قدموني. انجزوا ايه البطء اللي انتم فيه ده لا حول ولا قوة الا بالله - 00:19:41

بقي انا بعد ما شفت الكلام ده كله حابسيني في المسجد وقاعدين تقولوا ايه؟ والصلاة على الجنازة آ مسلا هو مات الظهر العشاء. ليه اتأخرنى؟ ولزلك سنة تعجيل لان لو كان من اهل الايمان - 00:19:55

اها خير مقبل عليه. هو سبحان الله كأن النبي صلى الله عليه وسلم بيقول لك ان المؤمن ما لا يحتمل ويبدايق جدا ان يتأخر انت ليه مأخره الساعة دي؟ يا عم انجز بسرعة - 00:20:10

وان كان من اهل الشر فشرط اطرحه بسرعة انت ليه سايبه؟ سبحان الله فالسنة تعجيل الدفن فيقول النبي فيصعدون بها فلا يمرون الملائكة يعني على ملا من الملائكة الا قالوا ما هذا الروح الطيب؟ ايه يا عم ايه الريحه الجميلة دي - 00:20:25

ايه الريحه الجميلة اللي مالیه يا جماعة مش باكلمك في ريحة هتملى اوضتك ولا هتملى بيتك انت بالله عليك لو دخلت النهاردة العمارة بتاعتك وشميت عطر قوي جدا نفاز. هتقول ان العطر ده تعبان ولا حاجة قوية. لازم تلاقه قوي. ليه؟ لان العطر - 00:20:52

اللي يملى المساحة ديت لأ ولزلك واحنا داخلين الحرم نسأل الله سبحانه وتعالى ان يعجل دخولنا اه في امن وسلام قريبا ان شاء الله وانت داخل كده تهف عليك يعني هبة كده تحس ان ما شاء الله في آ رائحة العود ورائحة العطر. تحس كده في - 00:21:09

اه حاجة كده سبحان الله يعني هي تشم وتذاق لا تشرح ما تعرفش تشرح عنها ما تعرفش تتكلم عنها سبحان الله فيصعدون بها فلا يمرون بها على ملا من الملائكة الا قالوا ما هذا الروح الطيب؟ بقى مش الروح الطيب على قد وعمه - 00:21:30

عمارة السما يا جماعة السمع شايف بقى انت اللي فوقك ده عامل ازاى المكان ده كله يقولوا ايه الريحه دي في ريحة جامدة جدا ما هذا الروح الطيب؟ ايه الروح ده - 00:21:51

فيقولون فلان ابن فلان ياه ده عارفينك وعارفين اسم والدك باحسن اسمائه التي كانوا يسمونه بها في الدنيا ده بيتغزلوا فيك حتى ينتهوا بها الى السماء الدنيا. فيستفتحون له. بيدأوا ايه؟ اول سنة - 00:22:06

فيفتح لهم فيشيعة من كل سماء مقربوها. الى السماء التي تليها. ايه ده يا جماعة بقى انا النهاردة لما اكون لو انا مت على التوحيد

وطائع الله سبحانه وتعالى الكون كله يتقلب عشاني انا - [00:22:31](#)

ليه؟ لانك انت عزيز على ربنا لانك انت كريم على ربنا لان المؤمن ده مش حاجة بسيطة. المؤمن ده يا جماعة انت صايم النهارده.

الصوم ده ريحة بقك بس اللي بتطلع ديت اللي البشر بيتضايقوا منها - [00:22:51](#)

لكن لأ لانك انت كريم على ربنا وانك طائع لا احنا مش هنعاسبك على الصيام. ده احنا هنعاسبك حتى على الشيء اللي مش بايدك. وهو ايه؟ رائحة فمك سبحان الله! الدمعة اللي بتنزل من عينك ديت وانت بتتأسر في كتاب الله ولا زكرت الله خاليا لن تمسك النار -

[00:23:07](#)

سبحان الله! الدمعة ديت قد ايه الدمعة كده. تعال شف كده الدمعة القطرة ديت وهي نازلة من عينك. حجمها قد ايه سبحان الله! يعني

يا دوب تبقى عاملة قد الناموسة كده. سبحان الله! بقى عشان الدمعة ديت - [00:23:31](#)

يحرم يحرم النار عليك لان الدمعة ديت بكت من خشية الله النبي صلى الله عليه وسلم يحكي لنا عن غيب سيكون شهادة من العيون

التي لن تمسها النار. عين بكت من خشية الله - [00:23:49](#)

انت ممكن دلوقتي وانت بتسمع كلامي تبكي حبا وخشية لله سبحانه وتعالى وتعدي سبحان الله! وانا رجائي في الله هكزا. ان شاء الله

ان هذا سيحدث باذن الله يشيعة من كل سماء مقرها. اي جمال هذا - [00:24:08](#)

اي ود هذا الله اكبر. كل سماء يا جماعة ده النبي صلى الله عليه وسلم بقى قاعد مع صحابي بيقول لهم ايه؟ اطت السماء وحق لها ان

تغطي. يعني ايه قطة السماء؟ عارفين اما تجيبوا مسلا ملاية كده - [00:24:29](#)

القماشه وابنكم الرضيع او الطفل الصغير ينزل فيها كده ولا كورة فايه اللي بيحصل لها القماشه من تحت كده؟ وانتم مش ماسكينها؟

يعني اتنين ماسكين قماشه كده وهي ده من الطرف - [00:24:45](#)

من طرف وخطوا عليها ثقل في الوسط كده. بتلاقوها ريحت كده صح؟ ريحت سنة كده خلاص؟ فالنبي صلى الله عليه وسلم بيقول

لك ان السمع ريحت وفيه صوت كده طقطقة - [00:24:56](#)

طيب ده سبب ايه قال ما من موضع اربع اصابع. شف كفك كده يعني نص كفك او تلت كفك الا وفيه ملك راعع او ساجد الله اكبر.

ملائكة كل العدد ده يا جماعة ده البيت المعمور - [00:25:08](#)

البيت المعمور في سبعين الف ملك بيخشوه كل يوم كل يوم فيه سبعين يخشوا. خلاص؟ هو له زيارة واحدة بس. يا بخت اللي بيزور

البيت الحرام اكثر من زيارة. دول لهم زيارة واحدة بس - [00:25:25](#)

شف من يوم ما ربنا خلق السماوات والارض الى ان يرث الارض ومن عليها لهم كل يوم في بيخشوا سبعين الف. عددهم ايه دول عدد

مهول. بقى دول في جنازة حضرتك - [00:25:44](#)

مش في الجنازة ده احنا لسة اهل الارض ما صلوش عليك وده اللي بيحصل فوق الله اكبر من كل سماء مقربوها الى السماء التي تليها.

طبعاً ده انت ده يا جماعة مش بكلمكم على نبي ولا بكلمكم على صحابي ولا بكلمكم على واحد من التابعين. انا باكلمك على شخص

عادي - [00:25:59](#)

جدا مات مؤمن سبحان الله! مات موحد ان مات كان متألم لزنوبه كان بيحاول يسبب كان بيحاول يترك جات له ايام معدودات زي

اللي احنا فيها ديت وقرر انه بيتعد شوية عن الزنوب ويقول له يا رب ساعدني. يا رب - [00:26:21](#)

ارزقني حسن الختام. سبحان الله فيصعدون بها فلا يمرون. يقول النبي الا على ملأ الى ان قال فيستفتحون فيفتح لهم فيشيعة من

كل سماء ان مقربوها الى السماء التي تليها - [00:26:41](#)

والسما اللي بعدها والثانية والثالثة والرابعة ايه يا عم انت عملت ايه يا عم انا ما عملتش حاجة انا كنت عزيز على الله سبحانه وتعالى.

ولذلك لما يخشوا الجنة يقولوا ايه - [00:26:59](#)

اما يشوفوا الكلام ده كله والقصة دي كلها والجمال ده والكلام ده هيتهلوا يندهشوا يقولوا لأ ده البر الرحيم البر الذي يعطي العطاء

الواسع سمي البربر ليه؟ لاتساعه والبر سم بير لان كل الناس تحتاجه - [00:27:14](#)

سبحان الله البر الرحيم وسمي البر. بر الوالدين وليس الطاعة لان هي الطاعة الايه؟ الكثيرة يعني المتتابة التاترة فالله سبحانه

وتعالى هو البر واسع العطاء فاول ما يشوفه ده انه هو البر الرحيم - [00:27:37](#)

لا لا لا ده كده البر الرحيم هو الذي اعطانا هذا الامر. سبحان الله! فالانسان لما يشوف السما الثانية والثالثة والرابعة ده ممكن يشك في نفسه فعلا يقول لك ايه ده هو انا كنت شيخ وانا مش واخد بالي ولا ايه؟ لا يا عم انت كنت مؤمن موحد انت كنت انت كنت طيبة

وانت كنت محسنة الزن بربك وكنت - [00:28:02](#)

انت مطيعة لوالدتك وكنت قريبة لكلام الله سبحانه وتعالى وكنت بتحبي الخير. وكنت بتحبي الفعل المتعدي. وكنت مهتمة بالقرآن

وكان نفسك يبقى لك حاجة قبل الرحيل تعملها؟ كل الحاجات دي يا جماعة ده من هم بحسنة من هم بحسنة - [00:28:23](#)

يكتبها الله سبحانه وتعالى له اين ستجد مسل هذه المعاملة؟ هتجدي معاملة زي دي فين تاني؟ مين الكريم اللي هيعاملك كده؟ مين

الودود اللي هيعاملك كده من الرحمن الرحيم اللي هيحاسبك بالطريقة ديت - [00:28:43](#)

اللي هيحاسبك يقول لك ايه؟ من هم؟ ده انت لو عملت هميت يعني انت كنت بتقول ايه؟ انا بعد الدرس اه ما هقرأ صفحة قبل ما

انام بس بعد الدرس كده كسلت فنمت. انت انت هميت بها وفكرت فيها خلاص؟ لا نكتب لك حسنة. بس انا ما عملتهاش يا رب -

[00:28:59](#)

لا لا ما فيش مشكلة عادي جدا احنا نعطيك لانك هممت بهذا الامر. والله سبحانه وتعالى عليم بذات الصدور. وهذا من جمال ربنا.

فشوفوا الملائكة عندها حرص انها تشيع الصالحين - [00:29:16](#)

تشبه بهم وخلي عندك الحرص ده. اما تعرف ان في حد من الصالحين حاول تتشبه بهم فيقول الله سبحانه وتعالى اكتبوا كتاب عبدي

في عليين يا ربي لو لم يكن - [00:29:33](#)

لهذا الانسان ثواب الا ثناء الله عليه لكفاه لو ما لوش سواب ان ربنا يقول اكتبوا كتاب عبدي في عليين. يا جماعة برضو تاني اعيد

واكرر. احنا لسه ما صليناش على الراحل - [00:29:52](#)

طيب ده لسه بنقول يا جماعة صلاة الجنازة بالمسجد الكبير ان شاء الله بعد صلاة الظهر مباشرة وصاحبنا في السكة الثانية خالص.

نتيجته طلعت والدنيا خلصت ويقول الله له اكتبوا كتاب عبدي في عليين - [00:30:10](#)

في اعلى الدرجات واعيدوه الى الارض فاني منها خلقتهم وفيها عهدهم اعيدهم ومنها اخرجهم تارة اخرى تعاد روحه في جسده

ويبدأ شوفوا الكلام اللي جاي بقى فيأتيه ملكان. ياه فبالله عليك بعد ما عدى المشهد ده كله ويجي يسألوه الاسئلة ما خلاص -

[00:30:31](#)

الموضوع انتهى. ايه الاسئلة هنا بقى يسبته الله سبحانه وتعالى هنا يسبته الله سبحانه وتعالى. في رواية يقولوا ايه؟ ما اطيب هذه

الريحة التي جاءتكم من الارض فيقولوا ده ده ده ارواح المؤمنين. سبحان الله - [00:30:56](#)

فلهم اشد فرحا به من احدهم بغائبه يقدم عليه النبي بصوا في آآ واحد مسلا والده غايب عنه بقى له عشر سنوات بقى له سبع

سنوات. يا اما مسافر او مبتلى في كرب وهم نصب - [00:31:16](#)

الله ان يفرج عن الجميع ويؤنسهم في وحشتهم فسبحان الله استشعروا لو والدك ولا اخوك ولا اختك اعادت لك ودخلت عليك

دلوقتي ما هو احكي لي فرك ايه وانت بتقابلهم بعد هذا الغياب - [00:31:32](#)

فرح هيكون عامل ازاى الملائكة تفرح بك يقول النبي فلهم اشد فرحا به من احدهم بغائبه يقدم عليه سبحان الله! وبرضو المؤمنون

كده ارواح المؤمنون بينهم وبين بعض يكونوا فرحانين جدا جدا بك - [00:31:58](#)

يفرح لهم اشد فرحا من احدهم بغائبه. ويبدأوا يسألوا بعض. المؤمنين بقى بينهم وبين بعض يسألوا واحد بقى مؤمن سبقك وانت بعد

ما مت ان شاء الله ترزق حسن الختام فتروح لهم. فيقولوا لك ايه؟ مازا فعل ابو فلان؟ خبرنا ايه الاخبار - [00:32:20](#)

فيقولون دعوه فانه كان الملائكة تقول لهم يا جماعة اصبروا بس. انه كان في غم الدنيا. انتم واخدين الاخ سؤال يعني هنقول مسلا

عبدالرحمن توفاه الله والاول جه بعده اخونا صهيب - [00:32:37](#)

توفاه الله بعد كده. فصهيب يروح يلاقي عبدالرحمن بقى بيسأله يا عبدالرحمن يا صهيب مازا فعل مازا فعل بفلان؟ ايه اخبار فلان فتيجي الملائكة تقول لهم ايه؟ دعوه فانه كان في غم الدنيا - [00:32:53](#)

لسه الراجل طالع اصبروا فسبحان الله يعني سبحان من يسبت الناس في هذه الدهشة فيبدأ بقى صهيب يقول له اما بيسألوه على واحد فيقول لهم ايه؟ اما اتاكم هو مش جا لكم ده ميت قبلي - [00:33:07](#)

فيقولون زهب به الى امه الهاوية. طالما ما شفنا هوش يبقى ربنا يستر. شكله راح الناحية الثانية ربنا يعافينا واياكم فيقول الله سبحانه وتعالى بعد كده وتعاد روحه فيقول النبي صلى الله عليه وسلم فتعاد روحه في جسده - [00:33:25](#)

ايه اللي هيحصل بقى عما تعاد روحه في جسدك والملائكة هتقول له ايه وحاله هيكون عامل ازاي وهيكمل الدنيا ازاي ده اللي هنعرفه ان شاء الله في اللقاء القادم فاسأل الله سبحانه وتعالى ان - [00:33:44](#)

يسددنا ويرزقنا واياكم حسن الختام. اقول قولي هذا واستغفر الله لي ولكم - [00:33:59](#)